



БАС МЕМЛЕКЕТТІК
САНИТАРИЯЛЫҚ ДӘРІГЕР

ГЛАВНЫЙ ГОСУДАРСТВЕННЫЙ
САНИТАРНЫЙ ВРАЧ

ҚАУЛЫСЫ

ПОСТАНОВЛЕНИЕ

14.01.2022ж. №1

Талдықорған қаласы

город Талдықорған

**Алматы облысының аумағында
карантиндік шараларды
күшейту туралы**

Қазақстан Республикасы Конституциясының 12-бабының 5-тармағына және 39 бабына, «Халық денсаулығы және денсаулық сақтау жүйесі туралы» 2020 жылғы 7 шілдедегі Қазақстан Республикасы Кодексінің 102 және 104 баптарына сәйкес, «Қазақстан Республикасының халқы арасында коронавирустық инфекция ауруларының алдын алу жөніндегі шараларды одан әрі күшейту туралы» 2021 жылғы 2 қыркүйектегі №38, «Карантиндік шаралары шектеу және оларды кезең-кезеңімен жеңілдету туралы» 2021 жылғы 10 қыркүйектегі №42, «Ashyq» жобасын енгізу туралы» 2022 жылғы 13 қаңтардағы №1 қаулыларына, 2021 жылғы 25 тамыздағы №36 «2021-2022 оқу жылында білім беру ұйымдарында коронавирустық инфекцияның алдын алу жөніндегі санитариялық-эпидемияға қарсы және санитариялық-профилактикалық іс-шараларды жүргізу туралы», сондай-ақ Алматы облысының аумағында COVID-19 коронавирустық инфекциясының таралуы бойынша эпидемиологиялық жағдайдың нашарлауына байланысты, **ҚАУЛЫ ЕТЕМІН:**

1. Алматы облысының аудандары мен қалаларының әкімдері, Алматы облысының полиция Департаменті, Алматы облысының білім басқармасы, Алматы облысының цифрлық технологиялар басқармасы, Алматы облысының Кәсіпкерлік және индустриялық-инновациялық даму басқармасы және Кәсіпкерлер палатасы қамтамасыз етсін:

1) «Ashyq» жобасына қатыспайтын, Алматы облысының аумағында орналасқан әлеуметтік-экономикалық объектілердің жұмысына шектеулер мен рұқсаттарды іске асыруды осы қаулының қосымшасына сәйкес қамтамасыз етсін;

2) Осы тармақтың 3 және 4 тармақшаларында көрсетілген қызмет түрлерін қоспағанда, «Ashyq» жобасына қатысатын әлеуметтік-экономикалық объектілердің жұмысына шектеулер мен рұқсаттарды іске асыруды Қазақстан

Республикасы Бас мемлекеттік санитариялық дәрігерінің 2022 жылғы 13 қаңтардағы №1 қаулысына (бұдан әрі – ҚР БМСДҚ №1) сәйкес қамтамасыз етсін;

3) «Ashyq» жобасына қатысуына қарамастан тыйым салу:

– концерт залдарының, цирктердің, филармониялардың қызметі;
– діни бірлестіктер объектілерінде (*мешіттер, шіркеулер, соборлар, синагогалар және т.б.*) ұжымдық іс-шаралар өткізуді (*жұма намазы, діни жоралар және т.б.*);

– конференциялар, семинарлар, көрмелер, форумдар өткізу;

– түнгі клубтардың қызметі;

– қоғамдық тамақтану объектілеріндегі бар тіреулерде қызмет көрсету, ән айту және би бойынша қызметтер көрсетумен караоке қызметі (қоғамдық тамақтану бойынша қызметтерді қоспағанда);

– «Ashyq» жобасына қатысушы объектілерде 30 адамға дейін еске алуды өткізуді қоспағанда, салтанатты, бұқаралық (банкеттер, үйлену тойлары, мерейтойлар, ауызашар, корпоративтер және т.б.), ашық ауада және жабық жайларда ойын-сауық іс-шараларын ұйымдастыру, өткізу және қатысу;

4) кинотеатрлардың («Ashyq» жобасына қатысушылардың) толымдылығы 30% аспайды;

5) меншік нысанына және ведомстволық бағыныстылығына қарамастан білім беру объектілерінде оқытуды ұйымдастыруды қамтамасыз етсін:

– 600-ден астам оқушылар оқитын мектептер – **қашықтықтан оқыту форматы;**

– ЖОО-ы, арнайы орта білім беру объектілері – **аралас оқыту форматы:** барлық дәрістер онлайн, практикалық, зертханалық сабақтар ыңғайластырылған кесте бойынша, семинарлық сабақтар штаттық режимде;

– мектепке дейінгі білім беру – ата-аналардың (заңды өкілдерінің) жазбаша келісімімен оқытудың **штаттық форматы;**

– қосымша білім беру ұйымдарында - жеке сабақтар штаттық режимде, топтық - 10 адамға дейін, балалар/ересектерге арналған түзету орталықтарында – жеке және топтық сабақтар 10 адамға дейін штаттық режимде;

6) қызметкерлерде COVID-19-ға қарсы вакцинация және ревакцинация жүргізілгеніне қарамастан, мемлекеттік органдар, ұйымдар және кәсіпорындар персоналының (тіршілікті қамтамасыз ету объектілерінен басқа) кемінде **70%-ы** қашықтықтан жұмыс нысанына көшуі;

7) қоғамдық көліктерде, таксилерде, әуежайларда, ауладағы балалар алаңдарына, азық-түлік және азық-түлік емес базарлар мен басқа да қоғамдық орындарда санитариялық және дезинфекциялық өңдеуді жүргізу;

8) қоғамдық көлік аялдамаларына күніне кемінде екі рет, қоғамдық көлікке әрбір рейс алдында жуу және дезинфекциялау құралдарын қолдана отырып өңдеуді жүргізу;

9) ҚР БМСД №42 қаулысына 3-қосымшаға сәйкес алгоритмді сақтай отырып, түнгі режимде кеңестер (отырыстар) өткізуге рұқсат беру (оларды қашықтықтан өткізу мүмкіндігі болмаған жағдайда);

10) аялдамаларда және қоғамдық көліктерде «қарбалас сағаттарда» халықтың көп жиналуын болдырмау үшін барлық мемлекеттік ұйымдарда (кәсіпорындарында), кәсіпкерлік субъектілерінің офистерінде Қазақстан

Республикасының қолданыстағы еңбек заңнамасына сәйкес сараланған (дифференцирленген) жұмыс кестесін ұйымдастыру;

11) жұмыскерлер саны 250 адамнан асатын ірі кәсіпкерлік субъектілеріне, мемлекеттік кәсіпорындарға, органдар мен ұйымдарға жұмыс уақыты аяқталғаннан кейін жұмыскерлерді тасымалдау үшін қызметтік автокөлікті пайдалану ұсынылады;

12) «Балдәурен» республикалық оқу-сауықтыру орталығы» РМҚК қызметіне рұқсат беру;

13) Ұлттық құрама, клуб командалары үшін спорттық жаттығуларға рұқсат беру (30 адамнан артық емес, байланыссыз термометрия, спорттық базаларда тұру);

14) спортшылар мен жаттықтырушылар құрамы «COVID-19» қарсы вакцинациялаудың толық курсы алғаны туралы құжаттамалық растауды ұсынған жағдайда облыстық командаларды дайындау үшін оқу-жаттығу жиындарын қайта бастауға рұқсат беру.

15) арнайы, мамандандырылған ұйымдардың, ерекше білім берілуіне қажеттілігі бар балаларға арналған арнайы мектеп-интернаттардың (оның ішінде ата-анасының қамқорлығынсыз қалған жетім балаларға арналған), жалпы үлгідегі мектеп-интернаттардың, дарынды балаларға арналған мектеп-интернаттардың қызметіне рұқсат беру;

2. Алматы облысының аудандары мен қалаларының әкімдері, орталық мемлекеттік органдарының аумақтық бөлімшелері, құқық қорғау және арнайы органдар, Алматы облысының Кәсіпкерлер Палатасы (келісу бойынша), ұлттық компаниялар, меншік нысанына қарамастан заңды тұлғаларға қамтамасыз ету:

1) «COVID-19» қарсы вакцинациялауды алмаған (тұрақты медициналық қарсы көрсетілімдері бар және соңғы 6 ай ішінде «COVID-19» ауырып жазылған адамдарды қоспағанда) мынадай ұйымдардың/объектілердің қызметкерлері үшін күндізгі режимде жұмысқа жіберілуін шектеу:

– қызмет көрсету жөніндегі объектілердің (халыққа қызмет көрсету орталықтары (ХҚКО), «Қазпошта» АҚ бөлімшелері, екінші деңгейдегі банктер, қаржы нарығының объектілері, сақтандыру компаниялары, жылжымайтын мүлік жөніндегі агенттіктер, жарнама агенттіктері, айырбастау пункттері, ломбардтар, сұлулық салондары, шаштараздар, химиялық тазалау орындары, кір жуу орындары, фитнес, спорт кешендері, спорттық-сауықтыру орталықтары, СПА және массаж салондары/орталықтары/кабинеттері, моншалар, сауналар, бассейндер, жағажайлар, типографиялық көрсетілетін қызметтер, тігін ательесі, фотосалондар, аяқ киім шеберханалары, гүл дүкендерінің, аяқ киім, киім жөндеу, ұйымдастыру техникасын жөндеу жөніндегі сервис, нотариус, бухгалтер және консалтинг, маникюр және педикюр, косметологиялық қызметтерді көрсету жөніндегі объектілер, өзге де объектілер);

– халық тұтынатын өнімдердің және тауарлардың көтерме және бөлшек саудасы (сақтау) объектілерінің, оның ішінде базарлардың, сауда үйлерінің, сауда желілерінің, сауда-ойын-сауық орталықтарының, дүкендердің, шағын маркеттердің, супермаркеттердің, гипермаркеттердің;

– мәдениет және демалыс объектілерінің (музейлер, музей-қорықтар, кітапханалар, концерттік ұйымдар, филармониялар, театрлар, кинотеатрлар,

концерт залдары, клубтар, галереялар, көрмелер, цирктер және басқа да мәдени-демалыс ұйымдары);

– халықтың тұруы бойынша қызметтер көрсету саласындағы объектілердің (қонақ үйлер, отельдер, хостелдер, мотельдер, жатақханалар, кемпингтер және тағы басқалар);

– жолаушылар тасымалын жүзеге асыратын ұйымдардың, әуежайлардың, теміржол, автомобиль және су вокзалдарының, өзен және теңіз порттарының, автостанциялар/автоөтпе жолдарының, жолаушыларға қызмет көрсету пункттерінің;

– білім беру және тәрбиелеу ұйымдарының, оның ішінде білім беру дамыту және түзету орталықтарының (ересектер мен балаларға арналған), оқу-өндірістік комбинаттардың және басқа да мектептен тыс ұйымдардың;

– санаторий-курорттық және сауықтыру мақсатындағы объектілердің (санаторийлер, демалыс үйлері/базалары/аймақтары, профилакторийлер, балалардың сауықтыру лагерлері (мектеп жанындағы, қала сыртындағы), туристік базалар және басқалар);

– қоғамдық тамақтану объектілерінің, оның ішінде ұйымдасқан ұжымдарда орналасқан, сондай-ақ тамақ жеткізуді жүзеге асыратын объектілердің, стрит-фудтардың;

– барлық үлгідегі медициналық-әлеуметтік объектілердің (қарттар, мүгедектер үйлері, сәбилер үйлері және басқалары);

– денсаулық сақтау ұйымдарының, оның ішінде зертханалардың;

– дәріхана ұйымдарының;

– тіршілікті қамтамасыз ету және коммуналдық шаруашылық объектілерінің (сумен жабдықтау, жылумен жабдықтау, электрмен жабдықтау, аумақтарды жинау және қалдықтарды шығару, үй-жайлар мен аумақтарды дезинфекциялық өңдеу бойынша ұйымдар, авариялық-құтқару қызметтері, ПИК және МИБ және басқалары);

– экскурсиялық қызмет көрсететін ұйымдардың;

– демалыс объектілерінің, ойын-сауық ойын объектілерінің (компьютерлік клубтар, бильярд залдары, боулингтер, ойын-сауық орталықтары/саябақтары, аттракциондар, аквапарктер, караоке, лотерея клубтары және лотерея билеттерін сату жөніндегі өзге де пункттер/нүктелер және басқалар);

– байланыс және телекоммуникация объектілерінің;

2) осы қаулының 2-тармағының 1) тармақшасында көрсетілген ұйымдардың вакцинацияланбаған жұмыскерлері үшін (тұрақты медициналық қарсы көрсетілімдері бар және соңғы 6 ай ішінде «COVID-19» ауырып жазылған адамдарды қоспағанда) міндетті түрде COVID-19-ға ПТР әдісімен немесе иммунохроматография әдісімен экспресс-тестілеу (7 күнде 1 рет).

3. Облыс аудандары мен қалаларының әкімдері, облыстың кәсіпкерлер Палатасы (келісім бойынша), Полиция департаментіне, Алматы облысының санитариялық – эпидемиологиялық бақылау басқармаларына қамтамасыз ету:

1) қызметі рұқсат етілген объектілерде карантиндік шаралардың, санитариялық-дезинфекциялық режимнің сақталуын бақылау. Бұзушылықтар анықталған жағдайда «Әкімшілік құқық бұзушылық туралы» 2014 жылғы 5

шілдедегі Қазақстан Республикасының Кодексіне сәйкес әкімшілік шаралар қолдану;

2) Қазақстан Республикасының Президенті жанындағы экономикалық өсуді қалпына келтіру жөніндегі мемлекеттік комиссия отырысының 2020 жылғы 30 шілдедегі №6 хаттамасының 2.6-тармағын басшылыққа ала отырып, осы қаулының қосымшасына сәйкес қызметі шектелмеген объектілерді қоса алғанда, объектілердің қызметін қайта бастау.

4. Шаруашылық жүргізуші субъектілердің (объектілердің) басшылары, барлық жеке және заңды тұлғалар, олардың филиалдары мен өкілдіктері, жеке кәсіпкерлер, мемлекеттік кәсіпорындар мен мекемелер, барлық меншік нысандары мен ведомстволық бағыныстылығына қарамастан:

1) осы қаулының талаптарын қатаң орындау;

2) ҚР БМСД №38 қаулысында көрсетілген алгоритмдерге сәйкес, жинау мен дезинфекция жүргізудің күндізгі кестесін әзірлеу, бірақ жұмыс ауысымына 2 реттен кем емес;

3) жексенбі күндері үй-жайлар мен іргелес аумақты күрделі жинау және дезинфекциялау жүргізу;


4) қызмет көрсету (сұлулық салондары, шаштараздар, косметология, химиялық тазалау, кір жуу, оргтехникасын жөндеу және т.б.) және қоғамдық тамақтану саласындағы объектілерге келушілер көп жиналатын жерлерде ауаны зарарсыздандыру аспаптарын (экрандалған бактерицидті сәулелегіштер, рециркуляторлар) орнату ұсынылады.

5. Осы қаулының орындалуын бақылауды өзіме қалдырамын.

6. Осы қаулы күшіне енген сәттен бастап Алматы облысының Бас мемлекеттік санитариялық дәрігерінің 2021 жылғы 29 қыркүйектегі №19 қаулысының күші жойылды деп танылсын.

7. Бұл қаулы 2022 жылғы 17 қаңтарынан бастап күшіне енеді.

**Алматы облысының
Бас мемлекеттік
санитариялық дәрігерінің
орынбасары**



А. Чаррапиев

**Алматы облысындағы әлеуметтік-экономикалық объектілердің жұмысына
шектеулер мен рұқсаттардың өлшемшарттары**

№	Объектілер/салалар	Шектеу/рұқсат беру шаралары
1.	Өнеркәсіп, көлік және құрылыс объектілері, ауыл және балық шаруашылығы, мал шаруашылығы (қызметкерлерді жұмысқа жеткізу және тасымалдау үшін қызметтік көлікті ұйымдастыру ұсынылады)	+
2.	Байланыссыз қызметтер (автожуу, автомобильдерді, тұрмыстық техниканы, сағаттарды, телефондарды, компьютерлерді, аяқ киімді жөндеу, тігін ательесі, кір жуу, химиялық тазалау, кілттерді жасау, тұрмыстық үй қағидаты бойынша көрсетілетін қызметтер және т. б.).	+
3.	Туристік компаниялар, бизнес орталықтары (сактандыру компаниялары, адвокат, нотариус, бухгалтер және консалтинг көрсетілетін қызметтері, жылжымайтын мүлік жөніндегі агенттіктер, жарнама агенттіктері, сот орындаушылары, айырбастау пункттері, ломбардтар және т. б.)	+
4.	Гүл дүкендері, фотосалондар	+
5.	Медициналық ұйымдар, дәріханалар	+
6.	Музейлер, зоопарк, кітапханалар	+
7.	Балалардың түзету кабинеттері, балалар мен ересектердің білім беру орталықтары	Р топты толтыру кезінде-10 адамнан артық емес, алдын ала жазылу бойынша
8.	Азық-түлік дүкендері, шағын маркеттер, зоодүкендер (с.к. ойын-сауық орталықтарында орналасқан)	+
9.	Құрылыс материалдарын, ауыл шаруашылығы техникасы мен жабдықтарын сататын объектілерден басқа, азық-түлік емес дүкендер (жеке тұрған)	Р ауданы 2000 ш. м. дейін
10.	Сұлулық орталықтары мен салондары, шаштараздар, маникюр мен педикюр қызметтері, косметологиялық қызмет көрсететін орындар (жазылу бойынша)	Р алдын ала жазылу бойынша
11.	Супермаркеттер, гипермаркеттер, тамақ өнімдерін өткізу жөніндегі сауда желілері	+
12.	Халықтың тұруы бойынша қызметтер көрсету саласындағы ұйымдар (қонақ үйлер, отельдер, санаторий-курорттық ұйымдар, демалыс үйлері/базалары, туристік базалар және т. б.)	Р 80% артық емес толтыру кезінде
13.	Ашық базарлар (азық-түлік, азық-түлік емес)	+
14.	Жабық базарлар (азық-түлік және азық-түлік емес)	Р (сенбі, жексенбіден басқа)
15.	СОО, сауда үйлері, сауда желілері	Р (сенбі, жексенбіден басқа)
16.	Сауда-логистикалық орталықтар, қоймалар, олардың жұмысын қамтамасыз ететін тұлғалар мен ұйымдар;	+
17.	Мейрамхана, дәмхана және кофехана типі бойынша қоғамдық тамақтану объектілері (үй-жайда)	Р - толтырылуы 50%-ға дейін, бірақ 30 орыннан асырмай сағат 9:00-ден 20:00-ге дейін жұмыс істеуге рұқсат

		беріледі;
18.	Жазғы алаңдар	Р - сағат 7:00-ден 20:00-ге дейін жұмыс істеуге рұқсат беріледі
19.	Асханалар типі бойынша қоғамдық тамақтану объектілері	Р - сағат 24:00-ге дейін жұмыс істеуге рұқсат беріледі;
20.	Стрит-фуд (жеке тұрған шатыр/ларек/отыратын орны жоқ дүңгіршек)	Р (сенбі, жексенбіден басқа)
21.	Медициналық орталықтар, кабинеттер, стоматология (жазылу бойынша)	Р алдын ала жазылу бойынша
22.	Қоғамдық көлік (елді мекен ішіндегі)	Р - қарбалас уақытта автобустар санын көбейту, барлық есіктерді ашу, отыратын орындар саны бойынша толтыру және жұмыс кестесін сағат 22.00ге дейін
23.	Банктер, ХҚКО, «Қазпочта» АҚ бөлімшелері	+
24.	Ұйымдар, кеңселер	Р 70 %- қашықтықтан, 30%- күндізгі режим
25.	Діни объектілер	Р ұжымдық іс-шаралар өткізбей
26.	Моншалар	+
27.	Сауналар	Р (сенбі, жексенбіден басқа)
28.	СПА-орталықтар, бассейндер	Р (сенбі, жексенбіден басқа)
29.	Қала маңындағы жолаушылар поездарының (электричкалардың) қозғалысы	Р ортақ вагондарсыз
30.	Жолаушылар поездарының қозғалысы	Р ортақ вагондарсыз
31.	Қалааралық/облысаралық тұрақты автобустардың (шағын автобустардың) қозғалысы	-
32.	Облысаралық және қалалық тұрақты емес (туристік) тасымалдар	-
33.	Спорт кешендері, спорттық сауықтыру орталықтары және фитнес-орталықтар, йога орталықтары, спорт мектептері, спорт клубтары, жаттығу залдары	Р (сенбі, жексенбіден басқа)
34.	Казино	Р 30 отыратын орыннан артық емес, 2 метрден кем емес әлеуметтік қашықтықты сақтай отырып, жұма, сенбі күндері қызмет етуге тыйым салынады Адамдар көп жиналатын ұтыс ойындарын және басқа да іс-шараларды (акцияларды) өткізуге тыйым салынады
35.	Мәдениет объектілері (дайындық)	-
36.	Театрлар, кинотеатрлар, концерт залдары, филармониялар	-
37.	Боулинг клубтары	-
38.	Бильярд	-
39.	Компьютерлік клубтар, PlayStation клубтары	-

40.	Цирктер	-
41.	Балалар ойын-сауық орталықтары (ойын алаңдары, жабық үй-жайлардағы аттракциондар), оның ішінде СОО, СҮ-да орналасқан	-
42.	Ашық ауадағы аттракциондар	+
43.	Балаларды сауықтыру ұйымдары	Р толтырылуы 30%-дан артық емес
44.	Көрермендермен спорттық іс-шараларды өткізу	-
45.	Көрермендерсіз спорттық іс-шараларды өткізу	+
46.	Ас беру	-
47.	Банкет залдары	-
48.	Түнгі және ойын клубтары, караоке, океанариум	-
49.	Лотерея клубтары, букмекерлік кеңселер	-
50.	Ойын-сауық, бұқаралық іс-шаралар, отбасылық, естелік іс-шаралар, еске алу, корпоративтер, конференциялар, форумдар, жиналыстар, көрмелер, марафондар, корпоративтер және басқа көпшілік іс-шаралар	-
51.	Ерекше қорғалатын табиғи аумақтар (мемлекеттік ұлттық табиғи парктерде, қорықтарда, резерваттарда және басқаларда)	Р жеке тәртіппен бетперде режимін сақтай отырып, құрамында 3 адамнан аспайтын (бір отбасы мүшелерін қоспағанда) рұқсат етіледі

«+» - қызметіне рұқсат етілген;

«Р» - қызметіне ішінара (шектеулермен) рұқсат етілген;

«-» - қызметіне тыйым салынған.»;